

آبونه شرائطی : هریر ایچول
سنه لکی (۴۰۰) آلتی آیلنی
(۲۲۵) ممالک اجنبیه ایچون
سنه لکی (۴۵۰) ، آلتی آیانی
(۲۵۰) غروشدور .

نسخه سی ۷,۵ غروشدور .
سنه لکی ۵۰ عدددر .

اداره خانه : باب عالی جاده سنده
رشید افندی خاتمه

اخطارات

آبونه بدلی پشیندر .

مسلكه موافق آثار مع الممنونیه
قبول اولتور . درج ایدله یین
یازیلر اعاده اولماز .

تذکره

آدره من تبدیلنده ایریجه
غروش کوندربلیدر .

مکتوبلرک امضاری واضح
واوقوناقلی اولسی و آبونه
صره نومروسی محتوی
بولونسی لازمدر

ممالک اجنبیه ایچون آبونه
اولانلرک آدرسلیرنک
فرانسجه یازلسنی رجا اولتور .

پاره کوندردلیکی زمان نهیه
داثر اولدینی بیلدیرلسی
رجا اولتور

اتبعون اهدکم سیل الرشاد

صاحب و مدیر
اشرف ادیب

باش محرر
محمد ماکف

والله یهدی من یشاء الی صراط مستقیم

* پنجشنبه *

۱۰ کانون ثانی ۱۳۴۰

۳ جادی الاخری ۱۳۴۲

عدد ۵۸۳

جلد ۲۳

بوتون دینلره اگ مدهش ضربه لر ایندیورلر . بالخاصه اسلامیت چوق بویوک فلاکتلره ، تهلککله معروض قالدی .
اعتراف ایتک لازمدرکه روسیه ده بولشه ویکلر مقصدلرینه نائل اولدیلر واولیورلر . بویوکنی حاله نظراً روسیه ده تاتارلرک آتیمی قارا کلقدرد . بولشه ویکلر قانونه کوره هیچ کیمسه کندی جوجقلرینه ۱۸ یاشنه قدر دین تعلیم ایتک حقنه مالک دکلدر . ۱۸ یاشندن سوکره جوجق آرزو ایدرسه کندیسه خصوصی صورتده دین تعلیم اولونه بیلیر . بوقانون تمامیه موقع تطبیقه وضع اولمشدر . دینی مدرسه ، دینی مکتبلر تماماً قاپامشدر . او درجه ده که بر آدم کندی خانه سنده دخی کندی جوجغه دین تعلیم ایده من . ایدرسه مسئولدر . ایشه بوقانون روسیه ده اسلامیتی تمامیه محو ایده جکدر وایتمکده در . روسیه ده اوقامحکمه شرعیه سنه تابع آلتی بیک محله امانندن ، سکزیوزی متجاوز محله سنی امامسز قالمش ، بش سنه ظرفنده بیکه قریب محله آجیق قالمشدر .

« اورتودوکس » مذهبی دخی تهلککده ایسه ده اونک ایچون خلاص امکانی واردر . زیرا اسکیدن بری عمومیتله صوک درجه متعصب بر ملتدر ، هر نه قادر آنلرک دخی دین تعلیم ایده جک مکتبلری مسدود ایسه ده ، روسلرک منورالافکار اولان قسمی اسکینندن زیاده متانتله دینه تمسک ایدرک ، بولشه ویکلرک قانونلرینه رغماً خانه لرنده اولادلری دینی روحده تربیه ایتکده درلر . بولشه ویکلرک برچوق کلیساری سد ایتلرینه رغماً الله قالان کلیساره دوقتورلر ، آووقاتلر قوشه رق خلقه تلقینات دینیه ده بولونقمده در .

سیمپولاینسکی ده شیوالوف نامنده بر دوقتور ، بلدی دوقتورلغندن استعفا ایدرک اوراده کی کلیسایه پاپاس اوله رق کیرمشدر . بر چوق آووقاتلرک ده بو صورتله تبدیل مسلك ایتدکلری کورلمکده در . بمالک اجنبیه ده روسلرک سوزو سوزو پاپاسلری واصحاب ثروتی واردر . بونلر فرصت کلدیکی کبی روسیه یه عودت ایده جکلر ، هریری اقتدار واختصاصی دائره سنده مالی ایله ، جانی ایله اورتودوکس مذهبک احیاسنه چالیشه جقلرینی محقق امید ایدیورلر . تاتارلرک ایسه ، اويله بر فرصت زماننده مع التأسف نه دینی مدرسه اعمار ایده جک اغنیاسی ، نه ده دین تعلیم ایده جک علماسی ، هیچ بری بولونمایه جقدر .

روسیه بویوک بر خرابه ییغینندن باشقه برشی دکلدر . بولشه ویکلر روس دولتی ، ملتیی ، حکومتی ، دینی ، روتی ، دهانه سی وارایسه هپسینی محو ایتمشدر . بوندن سوکره بولشه ویکلرک مقصدلری عیناً روسلرک باشنه کتوردکلری فلاکت و تخریباتی آوروپالیرکده باشنه کتیرمکدر وکتوره جکلرینه ده قناعت کامله لری واردر . بویوک آوروپاده جریان ایتکده اولان وقایع تعقیب ایدیلیرسه کورولورکه مغرور انکلیزلرکده عاقبتلری وخیمدر . صاتیلق وجدانلرک پیاسیه چیقاریلش

اولدیغنی آراتق کتم ایده میورلر . ایمانز اويله درکه جناب قادر ذوالجلال اسلامک الک بویوک دشمنی اولان انکلیزلرکده نیتلرینه و عمللرینه کوره جزاسی ویره جکدر . فلولا اذاجاهم باسنا تضرعوا ولکن قست قلوبهم وزین لهم الشیطان ما کانوا یعملون . فلما نسوا ما ذکروا به فتحنا علیهم ابواب کل شیء حق اذا فرحوا بما اوتواخذناهم بغتة فاذا هم مبلسون . « مادام که روسلرک آلمانلرک باشلرینه کن فلا کتلی کوزلرله کوردکلری حاله یه او شقاوت ، اوسفک دماء ، اوظلملارنده دوام ایدیورلر ؛ البته جزالری بوله جقدردر . مقتضای عدالت الهیه بویه در . بولشه ویکلرک بو صورتله ادیان و بالخاصه دین مبین اسلامه تسلطلارنده کیم بیلیر نه حکمتلر واردر . صوک سنلرده اسلامیت ایله هیچ علاقه سی اولمایان برطاقم کیمسه لر ، حتی برچوق اسلام دشمنلری اسلامیت برده سنه بورونه رک ، ظاهر آ دینی مدافعه ایدرکی کوزو کورک تاتارلری اضلاله باشلامشدری . برچوق ساده دللری اغفاله موفقده اولمشدری . شیمدی ایسه حریت بهانه سیله کفریات مکتومه لری اظهاره باشلادیلر . شو صورتله ضعیف الایمان اولانلر ، طبیعتیه آرادن چیه جقدر ، خالص ومخلص مسلمان اولانلردن ، ایمان کامل ایله معتقد ومؤمن بولونانلردن آریله جقدر ؛ « ما کان الله لیذر المؤمنین علی ما اتم علیه حتی یمیز الحیث من الطیب ... » نص جلیلک سری ظاهر اوله رق ، مسلمانلرک خالص ایله منافق ، ایسی ایله کوتوسی آریله جقدر .

عبدالرشید ابراهیم

دوغمه لر عقیده

دوغمه رک تورککک ومسلما نلقه علاقه لری اولوب اولمادیغه دائر بومفته بوی غزته لده خیلی یازیلر یازیلدی . بوشریاته سائق اولان ، محمد قره قاش زاده رشدی بک طرفندن بویوک ملت مجلسنه واعضالرینه تقدیم ایدیلن عریضه در . بو عریضه یی اولا آنقرمه ده چیقان « یکی کون » غزته سی نشر ایتیش واستانبوک اکثر غزته لری ده اوندن نقل ایتمشدر . مکتوبک صورتی شودر :

« هر طرفدن استیلایه معروض ومهیای انقراض قالمش اولان وطن وملتی قوتار مق خصوصنده باشده بویوک غایمز اولدیغنی حاله سزلر کبی مقدس ذواته بوتون صمیمیت روحله خطاب ایدرک معروضانده بولونیورم :

ملی مفکوره دینیان عمومی موضوعه کزی تشکیل ایدن اساسلرک الک برنجیسی مادیات ومعنویاتی متجانس اولان سزلره بومقدس یوله ظهیر اولاجق یول آرقاداشلریکزرک - که ملتدر - دخی ماده ومعناً متجانس اولملاری لازم کلیر . بوتک ایچوندرکه ملیت دستور ومفهومی قبول ایتدیکز . تورککک روحک انکشافی ایچون اوجاقلر آچدیکز ، رساله لر ، کتابلر یازدیکز . معارف پروگرامی او صورتله تنظیم

ایندیکی شو زمانده آرتق بودونملر مسئلهسینی قطعاً حل و تصفیہ ایدرک ملتی تردد و شبیهدن قورتارملی ، اجتماعی و اقتصادی بنیہی تہلکدن خلاص ایدرک اصلاح ایتلیدر .

حکومت مبادلهی تورکلره حصرا تمشدر . اسلام اولان آرانوودلری بیلہ قبول ایتہیور . موجود غیر تورکلری بیلہ مملکتک مختلف محللرینہ سرپیور ، طاغیدیور . بوندن مقصد تورکلکی مادہ و معنأ متجانس برشکلہ صوققدرد . حالوکه دونملر ، تورک دکلدر . چونکہ تاریخاً مثبت اولقلہ برابر شمدی یه قدر کندیلرندن باشقہ برعصرلہ آشیلانوب اصطفا نی قبول ایتہیور . دونملر مسلمان دکلدر ؛ چونکہ عصرلرجه محیطلرنده یاشادقلری سلا نیک مسلمان تورکلرنجه معلوم اولدینی کی بنم کی عینی عرفدن کلش یک چوق ناموسلی منور کیمسہلرک اقرار و اثباتلریلده ثابتدر .

او حانہ سزہ صمیمانہ خطاب ایدرک صوریورم : ای تورکلکک استقلال و سلامت و سعادت ایچون هر درلو وارلنی فدادن چکینمین بویوک ملت مجلسی اعضای کرامی ! بونلر ایچون نه دوشونیورسکیز ؟ مبادله ایدہ چکیسیکیز ؟ خصوصی مبادله اصوللریلہ بونلرک تکرار متکلف بر طرزده استانبول ، ازبک ، بروسہ کی مملکتک اقتصاد قبولرنده بویابانچی ، ذکی کتلہنک ساخته اسلام و ساخته تورک تقابلریلہ یرلشوب قوانملرینہ مساعدہ ایدہ چکیسیکیز ؟ ۱۹ دونکی حرب جہہلرنده چاریشیرکن خارجدن آنا طولی بکان هر شخص حقندہ تحقیقاتدہ نه قدر متعصب و تدقیقکار طاورانیوردیکیز . هله جہہلردہ کی ازدولر و قطعات عسکریہ بو خصوصدہ نه قدر متیقظ و حساس ایدی ؛ آرتق عسکری ظفر استحصال ایدلری دیہہ بوتیقظ و حساسیتہ لزوم قالمیدی ؟ ! مادامکہ حیات مجادلدر ؛ اجتماعی ، اقتصادی ، اخلاقی ، بنیہوی ، سیاسی ، حاصلی حیاتی مسائلک جملہسندہ حساس و متیقظ بولونق الزمدر .

کندی قانکیزدن ، کندی دینکیزدن اولیان بواسکی ملتجیلری یا حدود ملی خارجندہ براقہ کزی و یا خود بونلری تثبیت ایدرک ، عادنا تمثالایہرق مملکتک هر طرفہ طاغیدوب بر قانون مخصوصلہ تورک طائلہلریلہ اختلاط و اصطفالرینی تأمین بیورمه کزی تکلیف و استرحام ایدرم . بویله لکله صاف و نزیہ تورک کتلہسینی تردد و اشتباهدن قورتارمقلہ برابر حقیقی تورکلکک التحاق فکرینی اوتہدن بری مفکوره ایدینن بندہ کز و امثالی دونملہک نام ملوث و شائبہسندن قورتارمکزی و بو صورتلہ چیزمیکده اولدیفکیز یکی تورک تاریخنہ بر فصل مخصوص علاوہ بیورمه کزی نیاز و استدعا ایلم . اولبادہ امر و فرمان بویوک ملت مجلسکزر .

دونملرک تورکلرلہ اختلاط و اصطفالرینی صمیمی

صورتدہ آرزو ایدن منورل نامتہ

محمد قره قاسم زاده رشیدی

ایدیورسکیز . قایدنولایونلری او مقصدلہ قالدیردیکیز ، شرکنلر مستخدمینی و معاملاتی حقندہ کی قرارلریکیز ، هر وکالتک وجهہ اداره و عزیمتی هب تورکلکک مستقبل رفاه و سعادت غایہسنہ متوجه و معطوف کورونوبوز وینہ بونک ایچوندرک اسلام اولدینی حالده غیر تورک ذہنیق طاششیان آرانوود و صربلری بیلہ حدود ملی داخلہ قبول ایتہیورسکیز . بوندہ یک حقیسیکیز . چونکہ هر ملت بواساسلراوزرنده ملیتی و سعادت قورتارمشدر . عصر ؛ ملیت عصریدر . دین ؛ وجدانی بر مسئله اولدینی کی هر کسک روحنده کی عقیدہی اولچہ جک بر مقیاس مادی اولدیفندن آرتق بوکی غیر مرئی ، مخیل و موهوم قوتلر اعماد ایدرک اشیرک مساعی ایدیلہ مدیکندندرکہ مادیات و معنویاتی ابا عن جد معلوم اولان ملی کتلہلر مسند اتخاذ ایدیلشدر . بو کتلہلرا یچندہ مرآت و ساخته کار فردلر بولنہ بیلیر ایسده کتلہ اساسیہی صارصہ حق بر تاثیر اجرا ایدہ من . بوکی ساخته فردلرک بیلہ ماهیتی تحقیق ایدنجہ اونی تجرید ایتک ، و حدود کتلہ ملیہ خارجہ آتمق حکومت ایچون بر وظیفہدر . اگر بو یالانچی کسودیه بورونمش اولانلر بیکلرجه افراددن متشکل اون بیکلرجه بر یکون و کتلہ تشکیل ایدرسہ هیچ شہسز دکل یالکیز بروکالت و یا مرهانکی بر پولیس دائرہسی طرفندن تدقیق ایدلک ، طوغریدن طوغریہ عموم وطن و ملتہ علاقہ دار اولان بویوک ملت مجلسنجه مستعجل و اهم اولارق نظر دقتہ آلتق لازمدر . ایشتہ هر شیدن اول تحقیق لازم کان مسئله ؛ ایکی اوج عصر اول اسپانیانک انکیز یسینندن قاجوب تورکارک جناح شفقت و محابته التجا ایتش و بالآخرہ بر مسئله سیاسیہ جرمیلہ متهم اولان رئیسارینک تلقینانیلہ ساخته اولہرق اسلامیت نام و کسودیه برون سلا نیک دونملریدر . اوج قسمدن عبارت اولان بو دونملر اصلاً و عرفاً یہودی اولقلہ برابر روحاً و وجداناً دین اسلاملہ بر علاقہلری یوقدر . دیگر یہودیلر کی ایکی اوج عصر دنبری تورک و اسلاملرلہ قطعاً اختلاط ایتہیورک کندی جماعتلریلہ ، آیین و وجدان خصوصیلریلہ عن جماعہ یشایہ کلشدر .

سابق عثمانی حکومتی زمانندہ صورت رسمیہ و ظاہرہ دہ اسلامیتی قبول ایتدکلرندن بونلر اسلام جامعہسنہ قید ایدلمش و اوصورتلہ تلقی ایدلمش اولدقلرندن بونلردہ زمان و محیطک تمصبندن قورقہرق محل محل ، چشید چشید رنک و قیافتلردہ کورونہرک اسلاملری آلدانہ کلشلردر . بیک درلو ریا و ساخته طور و قیافتلرلہ بویوک تورک کتلہسینی آراسنہ صوقولہرق یک چوق ثروت قزانمشلر ، مملکتک بویوک تجارت و اقتصاد نقطہلرینی آلدہ ایدرک ، مهم و مهملک بر عامل اولہ کلشلردر . بناء علیہ تورکیا بویوک ملت مجلسی ، ملیت اساساتی اوزرینہ چیزمیکده اولدینی پروغرامندہ و باخصوص ما کدونیساده کی تورکلرک مبادلهسینی اجرا